

其慧無涯底。如其行清淨。及復不清淨。悉能曉了此。不順念報應。事業無明行。及其所造作。因緣生明慧。識名色如是。因緣所事業。觀見其因緣。佛大慧自在。因緣無所定。若聲聞緣覺。其本情六根。其緣塵勞欲。所貪諸所作。事業於欲行。思想所縛結。因是爲緣起。衆人所誓願。順省受其言。彼人致解脫。精勤蠲除二。稱量省其原。爾乃爲清淨。常住於正行。其無放逸者。遵崇三脫門。至誠遠無生。最勝一心知。意勇復起立。其佛大法王。

如其行清淨。及復不清淨。悉能曉了此。不順念報應。事業無明行。及其所造作。因緣生明慧。識名色如是。因緣所事業。觀見其因緣。佛大慧自在。因緣無所定。若聲聞緣覺。其本情六根。其緣塵勞欲。所貪諸所作。事業於欲行。思想所縛結。因是爲緣起。衆人所誓願。順省受其言。彼人致解脫。精勤蠲除二。稱量省其原。爾乃爲清淨。常住於正行。其無放逸者。遵崇三脫門。至誠遠無生。最勝一心知。意勇復起立。其佛大法王。

致無量億定。無等倫悉見。其行而普平。其心之所行。道法無窮極。由是之行故。勝心無所定。若聲聞緣覺。定意亦如是。諸菩薩若茲。若干種定意。安住之意定。皆超越其上。如來所修業。隨時慧教化。

大哀經卷第四。發六。
志操到反。喪軌。薄反。渺息淺。鑑口改口。愛愛。喪上使史。駛疾二音。

從是致因緣。因從人聽者。內已如應念。觀諸法悉空。生死之江海。寂然而觀察。無來無去。彼寂滅入道。

慧者修行三。

大哀經卷第五。

西晉元康年三藏竺發護譯。

知衆生本行品第十七。

釋名

成於滅盡慧。清淨興上願。逮成於寂滅。一切諸逆順。則以一定意。

佛告族姓子。如來見已及他衆生。知於往古。不可稱計。本所行業。一卅十卅百卅千卅百。千卅無數。世不可計載。百千億世。天地成敗。

劫立劫盡亦不可計無能限量天地及劫之返數也而悉知之靡不徹了本於某處名字種姓居止飲食顏色形容壽命長短所更苦樂善惡之事於某處沒生於某處沒復生彼處言語學問音辭章句而悉說之已

身本末一切衆生皆以了了爲衆生講如來

咸知衆生因所從來本末根原所更苦樂隨其應時察其本末而爲說法識其過去心所執懷心所抱緣使其罣礙或無朽廢所因興緣本爲何從而有是心如來皆知其一人心所行如是因其行而起陰蔽如來能悉頌宣無數恒河沙劫所行本末亦復觀察一切十方衆生心之本末等無差特說其本際當來亦然心之所緣如來所觀而演本無有過於此而無窮極是爲如來知其往古過去衆生之心不可思議不可稱量佛之聖智不可稱計如來察於衆生之行心懷恐懼擾擾不安周旋生死某在其處某從某來某本植德本

志在佛道或爲聲聞緣覺之乘緣其種德承佛聖慧悉識念之是爲如來而知衆生所植德本因緣之報應其根原而爲說法而令聽者立不退轉各從本行心所信樂使得其所是爲如來第八之業佛於是頌曰

其劫之數無底億垓卅之庭燎 悉識往古又察已身 及知衆生 所觀了了 如掌中珠名字種姓 顏像亦然 住此終沒 而周旋處因何所緣 而受其身 其平等乘 演說彼法其有過去 無量無底 衆人之心 所想念法所可由從 而其發心 最勝大慧 而皆知之其中間心 往古過去 因人所行 安住悉知恒河沙劫 稱量本末 咎嗟謙說 不得涯極當來無底 本際之原 而爲頌宣 往古所行若有衆生 立德求佛 設於過去 奉敬最勝住佛神足 力無所畏 悉念於此 前世所作世尊皆知衆生所念 如其往本 所種衆德

悉識於此 住三乘者 成不退轉 解脫淨道
安住別識 過世善行 一切衆生 無能思議
是爲大聖 第八之業 以化衆生 所度無底
大哀經徹視品第十八

佛告族姓子如來至真以淨天眼過於凡俗
皆見衆生生者死者微妙瑕穢善惡禍福好

顏醜姿趣安趣苦如其衆生所興禍福報應
之果如其本末悉知斯實其人如是身行惡
口言惡心念毒害謗毀賢聖墮于邪見以此
邪見所行事業壽盡身壞墮於惡趣危害地
獄苦惱之中於是民人其身行善發口言善
心所念善不謗賢聖隨其正見則因正見所
行快事壽盡身散便趣安處快樂世生如來
於彼則以天眼如其方面觀諸佛土等如空
界無邊無際思其法界而不可得亦無所著
超過一切諸所句跡其有衆生受形類者敢
有現世皆見終沒而復生者其諸佛土今現
在者皆見有外散壞合成又復所現諸菩薩

衆悉復觀見此盡終沒來就其生而復出家
或復所現坐於樹下成最正覺轉于法輪捨
其壽命而取滅度聲聞解脫滅度皆復見此
緣覺之法顯示神足而爲衆生作祐或有衆
生形不現者外道異學五通仙人眼所不觀
聲聞緣覺及諸菩薩所不能逮如來至真則
發七三

以天眼悉覩此類如來見於衆生所有微神
眼如車輪多於三千大千世界其不現者不
可稱載衆生之界如是無量浩浩昊昊無有
涯底如來天眼巍巍如茲悉覩一切諸佛國
土衆生種類本末原界何許衆生佛所應化
而隨律者從其人本修行佛戒尋立其前便
化其人餘人在邊猶不見知是爲如來第九
之業佛於是頌曰

如來之天眼 清淨無垢穢 嚴治無量劫
功德威神曜 観見於十方 諸佛土衆相
所有及與無 諸所可興衰 彼所有衆生
有色并無色 歸於善惡趣 生上下中間

退沒來受胎

行惡墮苦惱

積德則安樂

最勝悉知此

其諸菩薩衆

一切諸佛土

遊步所作行

出生棄家去

若在佛樹下

降伏魔官屬

諸佛皆知此

天眼悉觀之

若佛爲法王

逮上最正覺

所可轉法輪

度脫諸天人

爲作尊佛事

或復放壽命

若復現滅度

佛亦悉覩彼

其聽導師法

思惟而修行

致尊清淨業

興立無惱熱

自聞於經道

毀告於生死

已度至彼岸

最勝悉見之

其外道聲聞

緣覺及菩薩

天眼之所覩

不究竟生界

如來之天眼

清淨無垢穢

普見於衆生

微妙身神處

所現如車輪

衆生細妙身

多於三千界

諸天人民形

生死若干種

衆生界如此

悉知天人想

普爲現佛道

如來所開化

衆生根通利

世雄在前住

爲說尊上法

餘人在其邊

不見如來化

是爲導師業

天眼之勢力

大哀經諸漏盡品第十九

佛復告族姓子如來至真皆盡諸漏以無漏
心而修解脫以智慧度已證神通而遵其行
生死已斷建立梵行所作已辦知名色原如
來於彼以無漏慧清淨無垢鮮潔顯曜除
一切諸所止處墨礙之蔽諸聲聞衆諸漏所
禁七

四

盡而有限礙未至止處其緣覺者所盡諸漏
若有限礙於大哀行而無辯才如來至真所
盡諸漏衆行普會而悉備足皆除一切諸所
止處熟懷大哀辯才勇猛而無所畏威神巍
巍無能諦察一切世人所不能逮一心一時
而僉平等如來至真亦無罪業墨礙止處威
儀禮節亦無缺漏猶如虛空而本清淨一切
諸魔及諸外道所不能當功德名稱是爲如
來諸漏盡慧不與一切塵欲墨礙而俱合同
是無漏法除諸所著而說經典從不誠思而出
生矣衆生由此而成衆漏則受陰入是故汝

等觀察而審如來則爲興喻示本而現其前
如應說法令知塵欲虛僞無實使知如審以
了真諦無受法者是族姓子如來至真第十
之業佛於是頌曰

其導師者爲無漏慧 明闡廣普清淨無量
所以十力以勢超殊堪住於此篤信遵道

諸漏盡慧謂聲聞衆不除止處縛在罣礙
人中之上爲衆導師已除止處獨無限礙
其得緣覺亦復如是無有大哀及與辯才
有佛世尊諸漏已盡以無盡慈辯才無量
清淨尊人在無盡慧知其衆人諸漏所因
緣其好此而與衆生不能曉了斯應順跡

發七

五

最勝則爲愍哀此三講無常法苦空非身
今此諸法本從無出了是若干致遵佛道
亦無有人及與壽命号名爲人所作一
一切衆生倚此若干世尊興愍故說前月
又其安住不以懈倦亦復未曾減損佛智
是故最勝常懷慈懲心恒憐傷頒宣經道

佛業如是倫匹若茲是爲十力降伏外道
十力所住建立勢強轉無稱量殊勝法輪
大哀經四無畏品第二十

佛告族姓子如來至真有四無畏諦住勇猛
所作業者吾爲至真等正覺自了知此諸天
世人沙門梵志魔王釋梵不能障塞如來之

法言不曉了成最正覺未之有也何故如來
名等正覺了一切法悉爲平等無有偏黨其
凡夫法及與佛法則悉平等故成正覺其所
學法及不學法緣覺之法與善薩法至諸佛
法悉亦等之故曰正覺其計世俗及於度世
有罪無罪有漏無漏有爲無爲有數無數此
二諸法亦悉等之故成正覺彼何故等以空
故等故曰爲等諸見自然以無相等相自然
故以無願等三界自然故以無相等所相自
然故以無行等行自然故以無起等所起自
然故以無依等所依自然故能如審等三世
自然故以慧明等無明恩愛自然之故以泥

洹等生死自然故又族姓子如來至真於一切法如是平等故成正覺是故名曰平等正覺如其如來曉了諸法成最正覺如是建立住於大哀便爲衆生若干方便種種因緣各爲如應而分別說則歸命法因法而生尋時滅盡苦惱之原其此非師自稱爲師不尊稱尊未成正覺自謂正覺是故如來於此儕類獨無所畏超絕無侶而無倫匹是爲如來十之一業佛於是頌曰

於諸法平等由已成正覺是故平等覺如來而普視其凡夫之法佛法則亦等所學不學法及諸緣覺乘諸有世俗法六發七及與度出法諸善不善行泥洹一等類解空及無相棄捐於諸願無生無所行等見於此事等明如是業所說亦如茲因此度衆生是爲大仙法佛復告族姓子如來自知諸漏已盡彼諸天人天上世間無能識謗如來至真敢言諸漏

不盡者所謂如來諸漏盡者如來已脫愛欲之原心解諸欲無所羈礙又佛心者已度諸漏斷除一切塵勞之行無所羈礙是故名曰如來至真諸漏已盡故顯現世以是聖慧第一真諦無敢當前能遮蔽法爾當令除滅纏修之行使其實證是故曰盡無有不盡未曾生盡以此名爲盡如來所盡謂真諦者無所復盡已無所盡此則無爲其已無爲彼則無受無在不在此無處所是謂興立成諸如來住無所生是諸法住如法界住此爲應集如是應者則無所應亦不滅度亦無所成如是像法則不可得諸漏形色亦不除漏如來大哀住權方便皆爲衆生而演經典使除諸漏是爲如來十二之業佛於是頌曰最勝已盡諸漏欲未曾復有貪羈礙人尊皆脫諸生死已斷瑕穢無有餘安住皆棄諸無明未曾可得愚癡冥人中師子諸餘見是故無礙無欲塵

安住所說隨其時 皆盡諸漏無生死
究察諸法無所有 豈能使盡復令長
其所盡者無伴黨 若已盡者假名盡
其有盡者二有爲 許彼又無於三相
住於此界無取作 佛以聖慧度彼岸
曉了是已應說法 是爲安住十二法

佛復告族姓子如來悉了蔽礙塵欲諸里礙
法而無罣礙天上世間諸天人民無能堪任
毀於如來言不應法於彼何謂廢退於法又
有一事令法廢退何言毀於如來爲不爲一
謂心憒亂不能專精復有二法一曰不慚二
曰無愧復有三法一曰身行惡行二曰口出
麁辭三曰心念毒害復有四法二行於四至
不可至一曰懶慢二曰瞋恚三曰觸忌四曰
愚癡復有五法一曰殺生二曰盜竊三曰貪
婬四曰妄言五曰醉酒復有六法一曰無恭
恪心二曰祕惜經典三曰輕毀禁戒四曰不
隨定意五曰不懷法念六曰憍慢法師復有

七法一曰自大二曰憍慢三曰重慢四曰是
我五曰邪慢六曰過諸貢高七曰無能及我
復有八法一曰邪見二曰邪念三曰邪言四
曰邪業五曰邪治六曰邪便七曰邪意八曰
邪定復有九法謂九害惱一曰我所敬者而
輕慢之二曰今現輕慢三曰將來當侵四曰
我所憎者而敬愛之五曰今現欽敬六曰將
來欽敬七曰曾侵毀我八曰今現侵我九曰
將來侵我緣是之故起惱害心復有十法謂
十惡業一曰殺生二曰盜竊三曰婬泆四曰
妄言五曰兩舌六曰惡口七曰綺語八曰無
明九曰鬭諍十曰邪見是爲所行從不順念
見應順法而不愛樂墮於顛倒在地在陰蓋依
倚邪見恩愛之弊則失正法遠妨廢身口
心行如來悉知如其所知知諸蔽礙所說如
審如是法者致於蔽礙當除此法已能除去
故爲說法令諸衆生去諸陰蓋超然則出是
爲如來十三之業佛於是頌曰

卷七

八

諸最勝曉了法。其習此不得脫。著心懷不能捨。謂不知羞慚者。身口意亦如是。初未能將護斯。貪瞋恚癡恐懼。犯人妻妾語醉。說於八邪脫門。六失行七憍慢。皆妨廢解脫跡。若不能制其意。乃及十不善句。由不捨不順念。是等類未解脫。見隨逐顛倒者。而依倚放逸議。不當習如是法。可成茲人中尊。佛復告族姓子如來曉了賢聖所行尋造平等。盡諸苦惱衆生習善因是得生若造平等便滅患害假使諸天世間人民不能障蔽如來正法謂於至尊不應衆聖之所宗奉不任大道佛求無畏何謂所宗謂一乘道淨衆生心復有二法一曰寂然二曰所願復有三法一曰空二曰無相三曰無願復有四法謂四意止一曰身意二曰痛癢意三曰思想意四

日意法意復有五法一曰信根二曰精進根三曰意根四曰定根五曰智根復有六法一曰念佛二曰念佛三曰念衆四曰念佛五曰念佛六曰念天復有七應法一曰意覺意二曰法覺意三曰精進覺意四曰歡悅覺意五曰信覺意六曰定覺意七曰護覺意復有八發七九應法一曰正見二曰正念三曰正言四曰正業五曰正治六曰正便七曰正意八曰正定復有九應法一曰第一禪二曰第二禪三曰第三禪四曰第四禪五曰虛空慧正受六曰以慧正受七曰不用慧正受八曰有想無想而爲正受九曰滅於一切諸痛思想正受復有十應法一曰離殺生二曰離盜竊三曰離貪婬四曰離妄言五曰離兩舌六曰離惡口七曰離罵詈八曰離綺語九曰離瞋恚十曰無邪見住於正業是謂應行離於所生是爲諸善三十七品合集戒品成於定品合於慧品究竟解品通達度知見品成賢聖諦離於

所生復次所謂離於所生謂修行平等賢聖之事所謂應賢聖者彼無法品無二不二有權無權有進或退若生不生無受無捨道所越度諸不平等二事之行諸法無二則如審慧修所依生如來以此無所生行為衆生說若能行此衆生歸斯尋盡苦惱是爲如來第

十四業佛於是頌曰

近斯清淨至不可量人所依倚逮致清淨最勝普聞而悉知之已知經典樂說甘露至于衆善無數諸法道品清淨爲佛世尊勇猛習此而得解脫十力所演無有所處如應順念滅盡塵勞方便等法無憂豐茂不依於法不倚非法逮平等脫精進平均其緣善德而依道法恍忽虛無如虛無念猶如幻化如夢所見彼則得度生死所趣是爲十力所行之業人所獲致於所周旋是以大哀而度脫之興隆慈愍於無等倫大哀經十八不共法品第二十一

佛復告族姓子如來至真而無缺漏智者愚者未得未誤失所行正法所以者何如來至真身行無闕則爲至真平等之覺威神巍巍端正殊絕威儀禮節視瞻舉動順於等行被服法衣手執應器行步進止往來周旋經行坐立倚卧出入郡國州城大邦縣邑聚落足

卷十七

十

不踐地千輻相文自然輪現柔軟殊妙香潔蓮華而現于地如來之足踐於其上其有蟲蟻含血之類遇如來足晝夜七日而得安隱壽終之後復生一天上其法衣被自然四寸不襯其體隨嵐之風不能動衣其傍衆生皆得獲安是故言曰如來之身無有缺漏又族姓子如來至真有所演辭未曾有短智者愚者不能得便求瑕闕者所以者何如來至真所言以時演辭至誠如實無虛應儀合法順如律教所言平等言行相應語無違失靡不應時口所說者皆悅一切衆生之心無有復重義理美要成就莊嚴口演一音悉應衆生志

性所念各得聞知欣然解達是故名曰如來至真言辭無短又族姓子如來至真心之所念言無誤失而令智者及與愚者求得便者心念法失所以者何如來常定無有不寂懷衆生類得其心本斷除諸失而爲說法是爲如來十五諸業佛於是頌曰

其尊大人無有闕漏身行口善勝心所念其世吼護無短無罪愍哀入中憐傷等現欲求佛失一切悉無以此經法示人令寂使皆棄此諸瑕闕行是爲最勝十五之業佛復告族姓子如來至真無有麁教所宣音響而令諸魔及與官屬并外異學裸形露精

癸七

十一

殊別異術而得便者如來無言亦無有聲離諸倚著如來歎說一切衆生成皆而受不以爲有亦復不處在於無爲如來身行靡不究暢口言無短而令所行人得其便不與世諍是故如來無有音響常順空行如來無我亦無所受復無貪業離一切趣是故如來無有

譯訟設無音響因此蠲除衆生音響而爲說法是爲如來十六之業佛於是頌曰

若聞咨嗟不以懼悅若聞毀咎亦不愁惑除諸所著亦無倚望本修善行行無所著最勝諦修常順空行無我無受彼無憎愛

如其所住講說經法是爲至誠所說尊業佛復告族姓子如來常念未曾忘亦無憤亂意不迷慌而違遠法也如來常定爲一切智諸通之慧則以脫門定意正受以無能忘普見一切衆生心行之所住處觀察其本便以應義而爲說法不違法義辯才開明隨順無逆其不忘者去來今慧無所罣礙咸見三

世因其已身及以其心未曾忽忘慈愍十方一切衆生亦復如是慇懃念濟而爲說法是爲如來第十七業佛於是頌曰

尊師所念未曾忽忘順從法禪脫門爲行一切衆生志性所行應其所乏而爲說法所分別了未曾忘失達於三世應無所犯

設無所忘 雖其說法 是諸大聖 所行之業
佛復告族姓子如來至真心常靜然無有不
定坐起行步卧寐飲食言辭寂然常以一心
如來至真三昧微妙所度無極越于彼岸禪
思一心初無陰蔽普察衆生諸有形類行定
者不定者永無敢覩察如來思惟念所見心

也除其如來神聖所建作其威靈乃能見耳

設如大聖常定一心三昧亦然不可上下爲
人說法不復觀察所以者何常見一切衆生
心故佛之聖慧巍巍如是不可攀逮玄如虛
空無有表裏靡不通達是爲如來第十八業
佛於是頌曰

十二

佛無進退心常永定行步住止坐卧寐食
言辭寂然無能亂者最勝常定莫敢迷惑
八方上下終無得便亦無敢知其心所定
因其所定爲人說法常演道義是最勝業

其本淨無若干故察於諸佛無若干種用其
法界不可破壞慧平等故亦於諸法無差別
想用無欲故如來不壞奉禁戒者偏愛順念
亦不毀訾於犯戒者觀修道者不往肅敬不

遵道者不以棄忽不計律教是我所也永處
邪見不輕忽之如來至真所行平等於一切

發七

大哀經卷第五

大哀經卷第六

發八

西晉元康年三藏竺法護譯

十八不共法品之餘

佛復告族姓子如來至真無若干想亦無衆
念而令其心迷惑忘也所以如來無若干想
如虛空土不可窮盡不察衆生而各各異用

浩昊二同胡道反上明懶悞上呂孔反下零
恭恪下苦各反輕憊下莫結反踐地上音踐輻相上音
利也下郎舍隨嵐下反風名裸形上魯果反迷慌下福車
廣反心怖克聲